



Sofia Geisler
Inatsisartuni ilaasortaq, Inuit Ataqtigiit

§ 37 nr. 021-2021 akissuteqarfiginera

12-02-2021
Sags nr. 2021 - 3372
Akt nr. 16021945

Asasara Sofia Geisler,

Postboks 1160
Tlf: 34 50 00
Fax: 34 55 05
3900 Nuuk

Inatsisartut Suleriaasiat malillugu § 37-imi imm. 1 malillugu Naalakkersuisunut ataani allassimasoq apeqquteqaatigaat. Naalakkersuisunit apeqqummut qujavugut, akissutigullu ataani takuneqarsinnaapput.

Email: pn@nanog.gl
www.naalakkersuisut.gl

Naalakkersuisunut apeqqut:

1. Covid-19-imut akiuussutissanik kapuinermi ataasiaannarluni kapitittarnissamat Naalakkersuisut qanoq isumaqarpat?

Kalaallit Nunaanni COVID-19-imut akiuussutissatut kapuutaasinnaasutuaq tassaavoq mRNA, Pfizer/BioNTech -imit sananeqarsimasoq, taannalu Comirnaty aqqutigalugu nittarsaanneqarpoq. Akiuussutissaq European Medicines Agency (EMA)-imit akuerineqarsimavoq.

Akuersinermi tungavigineqartut tassaapput akiuussutissap nakkutigineqartumik misilittarneqarnerani sunniutaasunut misissukkat. EMA¹-p nalilersuinerani takuneqarsinnaavoq akiuussutissaq timimut iluamik sunniuteqassappat pingaaruteqartoq marloriarluni kapitittoqassasoq. Amerikami peqqissutsimut oqartussaqaqfik, U.S. Food and Drug Administration (FDA) aamma taamak paasisaqaarsimavoq.

Naalakkersuisut ilisimatuussutsikkut tungaveqartumik saqqummersinneqarsimasut tungavigalugit allatut nalilersuisinnaangillat, taamaattumillu akiuussutissamik akuerissuteqarnermi siunnersuutigineqarsimasut malillugit ingerlatsiniarlutik.

2. Inummut ataatsimut marloriarluni kapitittarnissamik aalajangerneq Naalakkersuisut allangortissallugu piareersimappat?

Naalakkersuisut maannakkumut allamik pilersaaruteqanngillat.

¹ EMA. Assessment report. Comirnaty. Common name: COVID-19 mRNA vaccine (nucleoside-modified) https://www.ema.europa.eu/en/documents/assessment-report/comirnaty-epar-public-assessment-report_en.pdf

3. Taamaangippat, tamatumunnga suna patsisaava?

Naalackersuisut nalilersuineri aallaavigalugit allannguiniarneq inuiaqatigiinnut navianarpallaarpoq. Qaammatini tulliuttuni pingasuni naatsorsuutigineqarpoq innuttaasut 65-it sinnerlugit ukiullit amerlanerpaartaat marloriarlutik kapitereersimanissaat. Taamaasior-toqareerpallu Kalaallit Nunaanni peruluttoqalersinnaanera ingalassimaartinneqarsinnaalissalluni.

Ataasiaannarluta akiuussutissamik kapisisalerniarutta, iluamik qulakkeersinnaangilarput akiuussutissaq sivisuumik iluaqutaassanersoq. Taamaattoqassagaluarpallu qaammatini tulliuttuni peruluttoqaleriasaarnissaa ingalassimaaarsinnaajunnaassavaput. Taamaattoqalissagaluarpallu, maannakkumut pissutsit aallaavigalugit, COVID-19-it nutaat Kalaallit Nunaanniilernissaat naatsorsuutigisariaqalissavaput.

Inussiarnersumik inuulluaqqusillunga
Med venlig hilsen


Martha Abelsen